

**EPITRE DEDICATOIRE DE VINCENT SEVE, PRESENTEE A
HENRY IV, LE 19 MARS 1605.**

AU ROY.

SIRE,

Ayant (il y a quelques années) recouvert certaines Propheties ou Pronostications faictes par feu Michel Nostradamus, des mains d'un nommé Henry Nostradamus neveu dudit Michel, qu'il me donna avant mourir, & par moy tenues en secret jusques à present, & veu qu'elles traictoient des affaires de vostre Estat, & particulierement de vostre personne, & de vos successeurs, recogneu que j'ay la verité de plusieurs sixains advenus de point en point, comme vous pourrez voir, SIRE, si vostre Majesté y ouvre tant soit peu ses yeux, & y trouveront des choses dignes d'admiration, j'ay pris la hardiesse (moy indigne) de vous les presenter transcrits en ce petit Livret, non moins digne & admirable que les autres deux Livres qu'il fit, dont le dernier finit en l'an mil cinq cens nonante sept, traictant de ce qui adviendra en ce siecle, non si obscurement comme il avoit fait les premiers; mais par aenigmes, & les choses si spécifiées & claires, qu'on peut seurement juger de quelque chose estant advenue. Desireux que vostre Majesté en eust la cognoissance premier que nul autre, m'acquittant par ce moyen de mon devoir comme l'un de vos tres obeyssant & fidele subject, qu'il vous plaira agréer, SIRE, considéré que ce m'estoit le plus grand bien qui me sçauroit jamais arriver, esperant avec l'ayde du tout Puissant me ressentir de vostre debonnaire clemence, comme vostre bonté a accoustumé faire, obligeant par tel moyen, non le corps d'un vostre fidele subject jà destiné à vostre service, SIRE, mais bien l'âme qui continuera de prier pour la santé & prosperité de vostre digne Majesté, & des dependans d'icelle, comme celuy qui vous est & sera à jamais,

SIRE,

Vostre tres-humble, tres-obeyssant & fidele serviteur & subject, De
vostre ville de Beaucaire en Languedoc.

SEVE.

www.caesaremnostradamus.com

© Manuel Sánchez, 2009

Reservados todos los derechos. Copyright

Esta publicación es solo para uso privado. Únicamente se podrá acceder a esta copia con previo permiso del autor. Queda terminantemente prohibida cualquier copia total o parcial de esta obra. Con esta excepción, ninguna parte de esta publicación puede ser reproducida o transmitida en cualquier forma o por ninguno medio, electrónicos o mecánicos, incluso fotocopiada, sin permiso por escrito del autor.